

Ո Ր Ո Շ ՈՒ Մ N 255/6
/վարչական տույժ նշանակելու մասին/

«13» մարտի 2022թ.

ք. Վանաձոր

Հայաստանի Հանրապետության պետական եկամուտների կոմիտեի Արևելյան մաքսատուն-վարչության պետ Գոռ Բակլաջանս, քննելով Արզուքան Թադևոսի Ամիրխանյանի (անձնագիր AU0240374, քաղաքացիությունը՝ ՀՀ, հասցեն՝ 0056, ՀՀ Երևան, Լվովյան շենք 25. բն. 87) կողմից մաքսային կանոնների խախտման վերաբերյալ գործը,

Պ Ա Ր Զ Ե Ց Ի

1. Սույն գործի նկարագրությունը:

Հայաստանի Հանրապետության քաղաքացի Արզուքան Ամիրխանյանի կողմից 27.02.2022 թվականին N 05100033/270222/0007307 տարանցման հայտարարագրով Հայաստանի Հանրապետության պետական եկամուտների կոմիտեի Արևելյան մաքսատուն-վարչության Բագրատաշենի մաքսային կետ-բաժնում ձևակերպվել է տղամարդու կիսագուլպա և նշանակման մաքսային մարմին է սահմանվել Հայաստանի Հանրապետության պետական եկամուտների կոմիտեի Արարատյան մաքսատուն-վարչությունը, վերջնաժամկետը՝ 03.03.2022 թվականը, սակայն նշված ապրանքը և ուղեկցող փաստաթղթերը սահմանված ժամկետում Արզուքան Ամիրխանյանի կողմից չի հասցվել նշանակման վայր:

2. Սույն վարչական գործի քննության համար նշանակություն ունեցող փաստերը:

1. 27.02.2022թ թվականին լրացված N 05100033/270222/0007307 տարանցման հայտարարագրի հիման վրա Հայաստանի Հանրապետության տարածք է ներմուծվել տղամարդու կիսագուլպա:
2. 14.03.2022 թվականին կազմվել է մաքսային կանոնների խախտման վերաբերյալ արձանագրություն: Նշանակվել է գործի քննություն 2022 թվականի ապրիլի 15-ին ժամը 15:30-ին, որի որի վերաբերյալ Արզուքան Ամիրխանյանը ծանուցվել է հայտարարագրման

Ժամանակ իր կողմից հայտնած հասցեով, սակայն ծրարը վերադարձել է «Չպահանջված» նշագրմամբ: Գործի քննությունը տեղափոխվել և նշանակվել է 13.05.2022թ. ժամը 17:30-ին, որի վերաբերյալ վերջինիս հասցեին ուղարկվել է ծանուցագիր:

3. Հարցումներ են ուղարկվել ՀՀ ոստիկանության և անձնագրային վիզաների վարչություն, ՀՀ կադաստրի կոմիտե՝ Արզուքան Ամիրխանյանի՝ ՀՀ-ում հաշվառված լինելու վերաբերյալ, ինչպես նաև ՀՀ-ում գրանցված գույքի վերաբերյալ տեղեկատվություն ստանալու նպատակով:

Համաձայն ՀՀ ոստիկանության և անձնագրային վիզաների վարչության կողմից տրամադրված գրության՝ ՀՀ ոստիկանության անձնագրային և վիզաների վարչության բնակչության պետական ռեգիստրի տվյալների համաձայն քաղ. Արզուքան Թադևոսի Ամիրխանյանը, ծնված՝ 26.10.1946թ., 26.08.2021թ.-ից սեփականատիրոջ դիմումի համաձայն հանվել է «ք. Երևան, Նոր Նորքի Լվովյան փ. շենք 25. բն. 87» հասցեի հաշվառումից:

Համաձայն ՀՀ կադաստրի կոմիտեի կողմից տրամադրված գրության՝ ըստ Կադաստրի կոմիտեի էլեկտրոնային արխիվի տվյալների՝ քաղաքացի Արզուքան Թադևոսի Ամիրխանյանի (Ավագյան) (անձնագիր՝ AU 0240374, ծնված 26.10.1946 թ) անվամբ անշարժ գույքի նկատմամբ իրավունքի պետական գրանցում ՀՀ տարածքում կատարված չէ:

4. Հայաստանի Հանրապետության պետական եկամուտների կոմիտեի Արարատյան մաքսատուն-վարչությունում մաքսային գործառնություններ կատարված չլինելու վերաբերյալ առկա են ապացույցներ (Մաքսատուն-վարչությունից ստացված գրություն):
5. Սույն մաքսային կանոնների խախտման վերաբերյալ գործը քննվել է ՀՀ մաքսային օրենսգրքի 219-րդ հոդվածի 2-րդ կետի ուժով: Վերջինս ըստ ՀՀ ՊԵԿ Ներքին անվտանգության վարչության կողմից տրված սահմանափակումն ապատմության գտնվում էր ՀՀ տարածքից դուրս:

3. Սույն վարչական գործի փաստական և իրավական հիմնավորումները, վարչական մարմնի եզրահանգումները:

Եվրասիական տնտեսական միության մաքսային օրենսգրքի 87-րդ հոդվածի 1-ին կետի համաձայն՝ Միության մաքսային սահմանը հատելուց հետո ապրանքները պետք է փոխադրողի կամ անձնական օգտագործման ապրանքներ տեղափոխող անձի կողմից հասցվեն ժամանման վայր կամ սույն Օրենսգրքի 10-րդ հոդվածի 3-րդ կետում նշված այլ վայրեր:

Եվրասիական տնտեսական միության մաքսային օրենսգրքի 144-րդ հոդվածի 1-ին մասի համաձայն՝ ապրանքները «մաքսային տարանցում» մաքսային ընթացակարգով ձևակերպելիս ուղարկող մաքսային մարմինը սահմանում է այն ժամկետը, որի ընթացքում ապրանքները ուղարկող մաքսային մարմնից պետք է հասցվեն նշանակման մաքսային մարմին (այսուհետ՝ մաքսային տարանցման ժամկետ): Նույն հոդվածի 3-րդ մասի համաձայն՝ մաքսային տարանցման առավելագույն ժամկետը չի կարող գերազանցել 1 ամսում 2 հազար կիլոմետր հաշվարկով սահմանվող ժամկետը, կամ «մաքսային տարանցում» մաքսային ընթացակարգով ձևակերպվող ապրանքների փոխադրման առանձնահատկությունների հաշվառմամբ Հանձնաժողովի կողմից սահմանվող ժամկետը:

Եվրասիական տնտեսական միության մաքսային օրենսգրքի 150-րդ հոդվածի 1-ին կետի 1-ին ենթակետով սահմանվում է՝ «Մաքսային տարանցում» մաքսային ընթացակարգին համապատասխան ապրանքների փոխադրման (տրանսպորտային փոխադրման) ժամանակ փոխադրողը, անկախ այդ մաքսային ընթացակարգով ձևակերպված ապրանքների հայտարարատուն լինելու հանգամանքից՝ բացառությամբ սույն հոդվածի 2-րդ կետում նշված դեպքի, պարտավոր է՝ ուղարկող մաքսային մարմնի կողմից սահմանված ժամկետում ապրանքներն ու դրանց փաստաթղթերը հասցնել ապրանքների առաքման վայրը՝ հետևելով ապրանքների փոխադրման (տրանսպորտային փոխադրման) սահմանված երթուղուն, եթե այդպիսին սահմանված է:

Եվրասիական տնտեսական միության մաքսային օրենսգրքի 151-րդ հոդվածի 1-ին մասի համաձայն՝ «մաքսային տարանցում» մաքսային ընթացակարգի գործողությունն ավարտվում է ուղարկվող մաքսային մարմնի կողմից սահմանված՝ ապրանքների առաքման վայր ապրանքները հասցնելուց հետո:

Եվրասիական տնտեսական միության մաքսային օրենսգրքի օրենսգրքի 154-րդ հոդվածի 1-ին մասի համաձայն՝ «Մաքսային տարանցում» մաքսային ընթացակարգով

ձևակերպված բոլոր ապրանքները և դրանց առնչվող փաստաթղթերը ապրանքների առաքման վայր չհասցնելու դեպքում սույն Օրենսգրքի 150-րդ հոդվածում նշված անձինք պատասխանատվություն են կրում այն անդամ պետության օրենսդրությանը համապատասխան, որի մաքսային մարմինը, «մաքսային տարանցում» մաքսային ընթացակարգին համապատասխան, իրականացրել է ապրանքների բացթողումը:

Ապրանքների՝ «մաքսային տարանցում» մաքսային ընթացակարգին համապատասխան փոխադրման (տրանսպորտային փոխադրման) ժամանակ պարտականությունները չկատարելու այլ դեպքերում, այդ թվում՝ «մաքսային տարանցում» մաքսային ընթացակարգով ձևակերպված ապրանքների մի մասը տեղ չհասցնելու դեպքում Եվրասիական տնտեսական միության մաքսային օրենսգրքի 150-րդ հոդվածում նշված անձինք պատասխանատվություն են կրում այն անդամ պետության օրենսդրությանը համապատասխան, որի տարածքում հայտնաբերվել է խախտումը:

ՀՀ մաքսային օրենսգրքի 189-րդ հոդվածի 1-ին մասի համաձայն՝ մաքսային կանոնների խախտում է համարվում անձի կողմից կատարված անօրինական գործողությունը կամ անգործությունը, որն ուղղված է Հայաստանի Հանրապետության մաքսային օրենսդրությամբ և մաքսային ոլորտին առնչվող Հայաստանի Հանրապետության միջազգային պայմանագրերով Հայաստանի Հանրապետության մաքսային սահմանով տեղափոխվող ապրանքների և տրանսպորտային միջոցների մաքսային հսկողության և մաքսային ձևակերպման սահմանված կարգի դեմ, և որի համար սույն օրենսգրքով նախատեսված է պատասխանատվություն: Նույն հոդվածի 2-րդ մասի համաձայն՝ ֆիզիկական և պաշտոնատար անձինք մաքսային կանոնները դիտավորյալ կամ անզգուշորեն խախտելու համար ենթակա են պատասխանատվության:

ՀՀ մաքսային օրենսգրքի 195-րդ հոդվածի համաձայն՝ Հայաստանի Հանրապետության մեկ մաքսային մարմնից մյուս մաքսային մարմին մաքսային հսկողության ներքո գտնվող ապրանքները կամ տրանսպորտային միջոցները և ուղեկցող փաստաթղթերը սահմանված ժամկետում չհասցնելը՝ առաջացնում է տուգանքի նշանակում՝ 100.000 դրամի չափով:

Այսպիսով, վարույթի նյութերով հիմնավորվում է, որ Արզուբան Ամիրխանյանի անվամբ 27.02.2022 թվականին լրացված N 05100033/270222/0007307 տարանցման

հայտարարագրով Հայաստանի Հանրապետության պետական եկամուտների կոմիտեի Արևելյան մաքսատուն-վարչության Բագրատաշենի մաքսային կետ-բաժնում ձևակերպված ապրանքը և ուղեկցող փաստաթղթերը վերջինիս կողմից սահմանված ժամկետում չեն հասցվել նշանակման վայր, ինչով պայմանավորված նա թույլ է տվել ՀՀ մաքսային օրենսգրքի 195-րդ հոդվածով նախատեսված մաքսային կանոնների խախտում, ինչը հիմնավորվում է կազմված արձանագրությամբ և N 05100033/270222/0007307 տարանցման հայտարարագրով:

4. Եզրափակիչ մաս:

Ելնելով վերոգրյալ հանգամանքների ուսումնասիրությունից, ղեկավարվելով ՀՀ մաքսային օրենսգրքի 195-րդ, 206-րդ, 221-րդ հոդվածներով և Վարչական իրավախախտումների վերաբերյալ ՀՀ օրենսգրքի 214-րդ, 234-րդ հոդվածներով՝

Ո Ր Ո Շ Ե Ց Ի

1. ՀՀ մաքսային օրենսգրքի 195-րդ հոդվածով նախատեսված մաքսային կանոնների խախտում կատարելու համար Արզուբան Թադևոսի Ամիրխանյանին ենթարկել վարչական պատասխանատվության՝ տուգանելով **100.000** (հարյուր հազար) ՀՀ դրամի չափով:
2. Որոշման մասին հայտնել Արզուբան Ամիրխանյանին:
3. Պարզաբանել, որ ՀՀ մաքսային օրենսգրքի 221-րդ հոդվածի 2-րդ մասի համաձայն որոշումն ուժի մեջ է մտնում այն կայացնելու պահից և ՀՀ մաքսային օրենսգրքի 222-րդ հոդվածի 2-րդ մասի համաձայն որոշումը կարող է բողոքարկվել վերադաս մաքսային մարմին (պաշտոնատար անձին) կայացնելուց հետո՝ 10 օրվա ընթացքում կամ ՀՀ վարչական դատարան՝ ՀՀ վարչական դատավարության օրենսգրքով սահմանված կարգով՝ երկամսյա ժամկետում:

Սույն որոշմամբ նշանակված տուգանքի վճարման հաշվեհամարն է. **900005024055** (ՀՀ պետական բյուջե, կենտրոնական գանձապետարան, Արևելյան մաքսատուն-վարչություն, ԿՈԴ 29):

ԱՐԵՎԵԼՅԱՆ ՄԱՔՍԱՏՈՒՆ-

ՎԱՐՉՈՒԹՅԱՆ ՊԵՏ՝



ԳՈՌ ԲԱՎԼԱՉՅԱՆ